

穰梨館過眼續錄

穠梨館過眼續錄卷九

歸安陸心源伯璠甫編

董文敏札稿冊

紙高一尺四寸四分
闊一尺

宋文
夏色
朱文
審定

恭惟閣下道隆光覺望重承明五百年之名世也聞
已入主上金甌之卜而入之間微有差池更舟楫
霖雨之澤尙淹歲月海內之仰望方殷而閣下之
退身甚勇古人之美不足比蹤矣句曲駐車華陽在
望山中調鼎翰擬陶公洛社追鋒首及司馬不佞昌
所引領懸懸者猶庶幾天際真人東下吳會相從杖

屢於洞庭林屋之間令名山游記載許玄度陪謝安
石故事亦不佞昌之幸也通家蔣廣文攜瑤華之音
捧誦之餘感佩無既附此布謝尙容專候不一
家姪孫臣斐每有家郵以得與門下共事同心戮力
除兇報國爲遺大投艱之一快不佞昌亦緬懷英略
有日矣山川阻修末繇通問乃承瑤華遠存重以厚
貺何感如之令祖東田公諸刻不佞摠作一跋書鏡
紙四幅奉揚先德于不朽愧書法拙陋無能仰副孝
思耳倘謀之金石幸搨一二本見寄不一
歷代金石刻有王右軍書周孝侯碑或以爲唐人集

而成書非也右軍好以忠孝名節崇獎人倫故書曹
娥碑樂毅論若周孝侯戡亂殉國類曹娥而墓銘爲
陸士衡作不減蔡中郎夏侯孝若其文與事故足書
也閩中歐陽將軍以江司馬諸公所爲乃祖東田公
之墓碑墓表墓碣小傳等刻俾子姪孫臣斐叅政干
里緘寄屬口綴之一言予讀史至司馬長公傳而異
之以謂其才卽賢良對策何至出平津侯膠霜下而
以貲爲郎者何也及觀其上林開賦家之淵源諫獵
喻蜀顯文人之實用語曰口小節者不能立大感忘
小恥者不能求榮名此之謂乎東田公始固佔俸往

入大學子衿與周孝侯從陸士龍受經□然慷慨多
智略臨財廉與士信名聞湖海間隱然橫□以仗鉞
器也而以納級授泉州衛指揮僉事其始願不若此
然倭夷之亂當事者卒倚公爲保障敗之於筍□敗
之於青陽敗之於雙淡尾嶺公復駐前□營遏賊孤
軍無援力戰而死天子悼之賜祠賜祭蔭子世官與
周孝侯事又何異也使公守其常調雌伏經生間縱
身自致青雲□國家爲縣官盡力能如公之見危授
命俠骨重名軒揭宇宙否去公六十餘年而海寇鴟
張閩無固圉公之文孫登壇受事執訊獲醜各啟而

翼公寔式靈之聿觀厥成余且爲饒歌以俟將軍勉之哉

夏竦 朱文
著定

欵有永清吳公仕於正統之朝土木之變于忠肅爲少司馬公爲職方郎條畫備邊十事于公多所採納也先入關時忠肅以大司馬督陣公進少司馬居中調度當是時內外倚重惟于公一人而于公所同心謀議亦惟公一人事定之後公以引疾歸○介之推不居還國賞張留侯不與鐘室之謀勇退之○先幾之智列之名臣無愧也而實錄不爲立傳讀史者有餘慨焉公九世孫模集制誥碑碣贈輓諸作犁然具舉

公以勞定國之槩始如列眉爲國史之挂漏有賴於
家乘者如此司馬公少孤母吳夫人撫育教迪以有
成立宜人□□司馬公以駕部主事宅憂忽感異夢
得葬地於某山萬家之行營不煩墨食雙鶴之宅兆
若有神謀靈氣攸鐘吉祥至止華轂朱輪重□疊肖
吳氏之興不偶然也而二百年來漸改舊觀飲河滿
腹窮委則稀依樹息陰庇根終鮮模感而歎曰我吳
氏之所不足者豈財也哉而忍使發祥一坏土付於
所不知之何人也乃詔告知同屬率錢醵治封以文
石繚以周垣歲時拓田致享霜露罔缺曾子追遠之

思莊生之義契慕張是役也庶幾君子矣猶遜謝不
居曰此特匠事耳何足以揚先世之徽音於無斁模
聞朝制且少司馬之世

關陳環
自文

公諱延光字孚卿學者稱爲斗垣先生其先世秀甫
公以豫章爲蘄陽刺史子義昏於蘄因家焉數傳而
爲粵西平東郡司理梅軒公是生贈方伯三望公三
望生贈方伯虛吾公則公之考也公生而岐嶷有異
質弱冠爲督學錢唐余公所賞識食旣廩屢冠多士
萬厯甲午舉於鄉辛丑試南宮成俊士奉家諱歸旣
免滿尊人喪甲辰廷對授大理評事會鞠巨奸獄有

勢瑞祈賄免公拒之峻時襄陽鄭冢宰爲大廷尉以此知公深相結甫筮仕疆直聲籍籍起歲丙午奉璽書典黔試文獨雅馴多得名士已擢計部稍遷望郎幹濟在輦轂惠愛在齊魯歷城大司農趙公非同心相引重不及此出守金華金華故好訟公精以法比剖決如流案無留牘下車三日酒家四布訟者居停無何市去矣而他郡質成者踵集於庭武斷有懲沈寃有雪溺女有禁義倉有儲間與子衿講學稱詩蘇穎濱之裔流落於婺者衰其遺蹟勒之貞珉請置守祠大非俗吏之所務已重會省適杭州缺銓部

疏以公移治杭婺人舉帷集眾請留賢守無萬數近
世所罕見也辛亥入覲臺省舉天下清廉五人公首
之擢本省學憲秉公持明抑絕奔競搜奇拔異不立
故常若姚江黃侍御上虞陳黃門或識玉於在璞或
賞音於焦尾竟皆爲名臣與昔較黔所首舉熊中丞
楊吏部者相類蓋鑒裁有素也公自離闕

良益未文
審定

董文敏汪虹山墓誌冊

周芸齋藏

引首兩雷金箋六頁每頁八
寸五分闊二尺二寸九分

明故文學虹山汪先生墓誌銘 華亭孫克弘書

漢陽 白文
太守

續本二十三頁每頁高
八寸五分廣五寸三分

明故文學虹山汪先生墓誌銘 汪之先蓋出魯公

之後自穎川受姓散居江左世有聞人在漢時則有
若龍驤將軍文和在晉時則有若司馬叔舉在唐時
則有若越國公華而其自唐模遷岩鎮爲巖鎮甲族
則宋孝子時楊始著時楊有二子皆舉明經寔亢巖
鎮之宗詩書孝友之澤所由來遠矣十三世而爲竹
塢處士處士有丈夫子二人虹君其仲也君生而沉
靜幼不好弄垂髫從費氏受易同舍生間以嬉輟業
君耻與爲伍同舍生易之私相念汪氏子獨善卧耳

何不能致而穴壁窺之則挾策讀書甚莊同舍生遂
嚴視君不敢以狎進弱冠博士弟子試輒先其曹偶
有司恒鍥其文以爲士的公蓋潛心竹素紛華無所
好游閑無所接斤斤如也先是處士公好任俠家用
中落會季弟蚤夭按大宗法當以君爲之後君不可
曰吾母晚而舉某天下豈有無母之子哉卽不能五
鼎養菽水故不乏而以利遺親也處士壯其志乃推
猶子以嗣之君處脂膏不自潤而所卻貲鏹千金于
是藉藉孝義聲重里中矣君有伯氏以收息轉輸爲
家督母夫人 氏嘗念其勞因燕集諸子婦咸在謂

處士公曰大兒非予所出顧其佐夫子冒霜露遠服
賈吾子安得與等異日析產當割其肥以□□之處
士公曰吾家素業賴仲而引長之安得左儒右賈以
隳後人志矧書生攻苦茹淡不得與冒霜露遠服賈
者等乎伯氏長跼稱善而君之配項孺人猶悒不自
得君心識之常析產時母夫人已捐養君篤田薛之
誼默承母志焉識者多之處士公嘗倣司空表聖治
生壙于環山之麓且闢丙舍其旁爲家塾時以勝日
策杖往憩聽伊吾聲而命園丁蒔松種菓君則親爲
監鑄執爨以進日暮掖處士公以返以爲常及處士

公沒君復挾書讀於墓側風晨雨夕悲感同舍同舍
友爲咽不成誦云君試于鄉者六主司莫能收乃歎
曰吾始不五鼎養今而後知不五鼎祭矣唯昔人所
云教養子孫以忠厚退讓誰復難我者于是手輯名
儒家訓與先代格言與子姓相勗書凡若干卷藏於
家里族有相構者多取平于君君不自爲倡每當羣
議既定輒理前語曰某某議是聞者心折雅不喜爲
豪侈衣不重絲食不兼味至於振窮結客豁如也君
所錄經書子史皆成于手端謹有法大類鍾體而不
以書自名語曰知希爲貴君之制行近之矣君生于

嘉靖丁亥八月二日沒于萬厯壬午八月二日其沒也前知大期曰以是日來以是日去蓋莊子所云無怛化者殆是乎得壽五十有六子四人宗傳宗周宗魯宗榮俱太學生孫七人從訓從誨從謙從讓從誥從諫從訥玄孫八人曰璋曰瓚瑚璉琳琇琦女一人適癸卯舉人方可觀君已與元配曹孺人合葬而側室徐氏附焉徐孺人者宗魯之生母而宗魯與余游談藝有日行業自樹能追述君德言懿行不墜先美余故不辭其請而爲之銘銘曰以天合者棄璧而趨錐刀爲親離裏爲疏君雖不仲於奉檄而愧彼

絕裾吁嗟乎斯史氏之可書 前史官董其昌撰并書

又綾本兩頁高長同

太史董玄宰爲虹山汪先生銘其墓又復手書此儒仲純仁之天球河圖也顏文忠爲朱巨川寫告身不聞寫銘今玄宰文章翰墨兼此雙絕傳之後世正當與平原書告共傳耳 陳繼儒題

仙白文之儒

又綾本兩頁高長同

蓋予讀虹山先生誌而有感也其挾策以讀書也近于專愚其不以五鼎養而以菽水養也近于隱君子

其前知大期也又近于達嗚呼先生具此三善卽不
必有事業文章而道德已不朽矣且儒仲昆季翩翩
藻起語云不發于身發于子孫又安知他日事業文
章不足以竟先生之志哉吾鄉太史董先生又樂爲
之銘嗚呼是可以傳也夫 華亭張翥題

張翥 白文
之印

又經本兩
頁高長同

毛懷跋 不錄

董文敏行書卷

絹本兩接高八寸七
分長二丈字徑四寸

東坡赤壁懷古詞 文不錄

以米元章天馬賦筆意

書子瞻赤壁懷古丙午臘日 董其昌

知制誥 白文 日講官

董氏 白文 玄宰

萬曆北 朱文 印

董文敏書宋人詞冊

紙本十一頁每高八寸三分廣一尺烏絲欄五行

王半山詞十一首 文不錄

宋人特工於詞山蘇歐秦黃其最著者惟王半山爲之風骨稜稜脫去艷冶態雖秀鐵面嚴冷不得以教壞人家男女相嘲也 戊辰十月望書竟其昌

黃山白 白文 汪恭 朱文 岡中人 眞賞

董文敏行書詩冊

紙本十四頁每高八寸三分
廣八寸八分烏絲欄八行

勅賜百官午門麥餅宴恭紀 社筵重舉五朝儀衍
衍千官式燕遲列鼎幾承明主賜迴波不數近臣詞
麥秋好及櫻桃信肉食能忘芹藻私爲問大酺頒漢
詔何如含哺頌堯時 天門淡蕩御筵寬宣示來牟
得歲歡帷借宮雲成夏屋坐依文石序周官疇風暗
入瑤琴奏鼎實將同玉粒看從說閔農勞旰食也欣
臣子徧加餐 瓊上雲棲穫事興似於東作報秋登
亦知三秀爲時貴共詫雙歧是瑞徵化國雨暘蕃草
木天池霜雪釀肴蒸卻慙只尺承恩者欲續嘉禾病

未能 嘗新詔墨九霄溫簪笏晨趨建禮門谷有嘉
名居稷後天臨廣宴陋膏屯大烹已叶彤弓什正席
先叨熟釜恩恰值百年還曠典 肅宗皇帝聖雲孫
九日涼糕宴恭紀 建章月曉聽霜鐘有詔分甘慶
澤濃已見鐵耕歸甌爨誰知粉米補山龍馨香饒鼎
飡英候歷落桓圭輯瑞容 聖主考文天雨粟故拈
糕字慰三農 降霜應省百工勞廣陞長筵許共叨
天樂九成重用九神霄高處卽登高但將觀朶酬青
女底事歸遺沔錦袍等是授衣開令節又從仙掌飫
恩膏 報國寺觀古松 謾謾寒聲古殿松來從天

竺飽霜封將因問法調狂象恠底非時起蟄龍鱗甲
迥依多寶塔枝柯分列五家宗故園亦有盤桓樹不
是攢眉爲聽鐘 慈悲寺訪僧 神臯方丈室初地

盜簪盟花雨翻空界松濤雜梵聲小叅如筏語宴坐

閉關

至後三日

情樓閣重筵眺千峯積翠橫 任正道中

口似將金甲寄春農阡陌軍容細柳同如此四郊歌

渡虎肯令三補歎飛鴻 茂州道中 春晚花飛欲

盡時輪蹄爭湊藥王祠不知扁鵲遊燕日肯信人間

俗可醫 昭君村 北使迎親奉詔書錦車從此換

穹廬交河衰草隨愁盡可是嬋娟墮地初 涿鹿道

中 逐北追犇踰涿耶天山片石向胡夸何當手袖
凌雲筆只按漁陽鼓調搗 督亢村 誰知燕地有
西湖沃野長堤督亢圖爲問黃金臺上客得尋說劍
酒人無 天雄道中 萊公昔日鎮天雄鎖鑰關門
百二重北使也諳人物論樓臺無地仰高風 壽萬
同吾金吾六十 凌煙勲業故嶙峋喬木千尋重世
臣圯上開山傳遁甲秋中初月慶生申時將祖硯陳
東序重典親兵拱北辰若向攬揆論盛事丹臺兼可
畫麒麟 萬都尉移居賜第 凌雲材料化人營錫
瑞鳴 意氣生雅尚肯驕三少貴恩華曾歷四朝平

悠然鳳吹懷仙引不盡鴻冥扈聖情

時公主已逝
公辭舊館

十

二樓臺迷處所惟餘星使得知名

陳叅政礪雲七

十

石家孝謹聞當代蘇氏文章甲九州偕隱早安

鳩杖賜傳經叠見鳳池游

兩太史

東山絲竹閑中賞北

礪煙霞象外收試向仙官問名籍也應姓氏冠丹正

廣陵元日訓李宮允太虛

直從秋苑割鴻溝賦

是相如史左正遂以空玄忘俗駕

時子方
首路

情多去住

任虛舟衰年金馬希良覲千載雲龍續勝遊雪裏官

梅東閣路天花點點散離憂

大司寇胡公考績

美棠南國庇懷恩何幸聯班奉至尊見說虞廷憑畫

象宣論千室應高門陽春有曲人難和雲夢涵秋氣

可吞聖主得賢頻問履新承天寵露華溫

董朱文其昌

太史 白文

劉蔚

朱文

王藻傳致 白文

并門劉氏書印

白文

氏

文清玩

藏圖書

氏書印

明史華亭自沈度沈粲以後南安知府張弼詹事陸
深布政莫如忠及子是龍皆以善書稱其昌後出超
越諸家始以宋米芾爲宗後自成一家同時以善書
名者臨邑邢侗順天米萬鍾晉江張瑞圖時人謂邢
張米董又曰南董北米然三人不逮其昌遠甚 蔚
文仁兄寄示香光書冊乙未大寒日呵凍祁寓藻記

寓藻 朱文
私印

董文敏楷書六種冊

紙本凡十四頁每高五寸九分廣三寸一分烏絲闌五行

第一第二第三第四頁

樂志論 文不錄

戊午三月十有八日書于吳門舟

次 其昌

董印 其昌 自文 南多竹堂 朱文 此中有 自文 高印 吳詹 朱文 真意 士奇 人

江中 奇士 朱文 山川 之美 堂

朱文以上四印在首頁

第五第六頁

陰符經 文不錄

竹窗 朱文 家 自文 伯恭 朱文 南多竹堂 朱文 所藏 花岸 所藏 黃魯直之記

第七第八頁

西昇經 文不錄

可公 朱文 林書屋 自文 花間 朱文 伯恭 朱文 百 春分數 所藏

第九第十頁

度人經

文不錄

原頭
枯木
書屋

朱文

願養
間暇

自文

已墨
主人

自文

家藏柳諫議書度人經在硬黃紙上懸腕作書初看不覺佳愈觀愈妙後書有唐開成三年戊午正月十六日記淵字世民字皆諱筆又大順元年魚又玄題神物也思翁書此數行用樂毅論法康熙壬午嘉平十三日跋士奇 栢堂 朱文

第十一十二頁

內景經

文不錄

怡間
書畫

朱文

相賞
松石
間意

自文

伯恭
所藏

朱文

黃素黃庭內景在大內真如絳雲在霄舒卷自如華

亭書此略變正是不泥古人處雪後凝寒竹窗記王

午臘月

江邨 朱文

第十三
十四頁

清靜經 文不錄

庚申九月七日書此五經 其昌

董印 自文 春到
其昌 對三分

旻 蘇香 旻 伯恭 朱文 陳 朱文 崇本 朱文
國 所藏 氏 鑑藏

卷藻堂 朱文
陶氏發藏

跋紙
一頁

董文敏於宋藏經箋上書樂志論一篇又陰符西昇
度人內景清淨五經各一段楷法秀潔余再入西苑
得之重加裝潢攜歸信天巢付子孫珍藏連日陰雨

今晨始見晴色瓶中有鶯栗黃薔薇用君房墨沈小
霞梅硯作書 戊寅四月四日江村高士奇

高印 自友

紅雨山 自友
房

三年不觀此冊今日瓶中仍有鶯栗薔薇而余次子
已不得見矣窗前細雨濛濛心情無賴欲手臨之未
能也辛巳四月三日竹窗士奇

江都高士奇字 朱文 賜號 自友
潘人 竹窗

今歲積閏不知何以易過十九日又立春矣大雪寒
凍黃梅已殘早見晴色旋復作陰人事稀簡亦閒居
之樂筆工偶至試紫毫書此有感歲時云壬午嘉平
十三日萊衣子識

江都 自友
之章

念雲堂 朱文

新荷 朱文 茅臺 朱文
之曰 下

董文敏山水冊

李榕昉農部藏

紙本十葉每高七寸八分廣五寸三分對題同

第一

汪 白文
文柏

對題

無盡層雲蕩碧虛悠然山徑坐籃輿泉聲的歷如聞

樂卻並僊人夜讀書

陳醫 白文
儒印

麋 白文
公

汪氏柯 朱文
鹿秘玩

第二

光煦 朱文
審定

對題

參差烟柳向南園半入雲谿半款扉更喜夜深談往

事故情明月照人衣

陳醫 白文
儒印

麋 白文
公

第三

葉對題

千尺喬松翠滿枝風流儘逐老年知攜筇箕踞茅簷

下只合吟詩慰所思

陳翬 白文 廉 自文 儒印 公

第四

汪氏柯 朱文 庭叔玩

葉對題

兩岸青山一水分雨餘纔見嶺頭雲蕭蕭綠柳垂陰

下常把清罇到日曛

陳翬 自文 廉 自文 儒印 公

第五

葉對題

春風搖曳過琴臺曲曲湖光向晚開不道梅花叢竹

裏十分香氣襲人來

陳騷
儒印

自文

麋
公
自文

第六

對題

石上清泉響碧苔春風折折草堂來住山處士誰堪

比好擬南窗一樹梅

陳騷
儒印

自文

麋
公
自文

第七

對題

山家何事足流連坐月餐風淡自然洞口好花開不

盡更餘一種送春天

陳騷
儒印

自文

麋
公
自文

第八

光煦 朱文
審定

對題

寂歷山莊花事幽無邊春色到林邱坐來明月深惆

悵逐景風情傍玉樓

陳豔 自文 虞 自文
儒印 公

第九

葉

對題

石湖春水映人裾正是江南好景初隔岸吳歌聲細

細不知多少在樵漁

陳豔 自文 虞 自文
儒印 公

第十

葉

丁未秋七夕後余過青溪別館拈筆戲寫 董玄宰

董

朱文

汪氏柯 朱文

庭秘玩

對題

山滿橫塘水滿溪秋光遙隔板橋西常來霜下看紅葉
菊綻東籬花事迷

陳豔 自文 儒印

公

自文

元季四大家以黃公望爲冠而王蒙倪瓚吳仲圭與
之對壘此篤論也獨後之評畫者謂沈啟南於雲林
尙不能得其淡雅則又若推重懶迂矣不知子久之
天真爛漫漸近自然何多讓焉此玄宰倣子久居多
特拈出非阿私所好也 眉公陳繼儒識

眉 朱文

一腐 自文

鵝庭 朱文 眞賞

跋紙

一葉

翁覃谿學士跋董行書卷攷文敏以丙午使楚丁未
歸里此冊署丁未秋則在家時作也夫以文敏負書
畫重名當其奉職館閣貴要爭求大抵多趙文度輩
捉刀卽躬事翰墨不過尺練寸紙耳若此十葉中溪
山樹石各具面目洵非閒居多暇不能而與行書卷
同在丁未一書一畫並入別下齋藏弄不又珠聯璧
合益足寶貴歟道光戊申冬仲大雪節 生沐六兄
得此見示因識其末寶邨弟許光清

周之冕設色花卉卷

引首紙本高九寸二分長三尺一寸三分

小宛堂 朱文

羣芳競秀

篆書

趙宦光

趙印 宦光

白文

凡 白文

畫絹本高九寸二分長一丈五尺四寸六分

辛卯秋日汝南周之冕作

周印 白文

之冕 白文

嚴禹航書琴述卷

紙本高一尺零六分廣二丈六尺四寸五分

白文

琴述

調 白文

璧 朱文

余少愛琴奕琴有李生擅降神舞鶴之奇奕有汪生

稱坐隱手譚之聖兩生時過吾廬子聲停丁絃音繼
風佐以名酒雜以清謠歡譙累夕曾無斲斷聞有國
手及藏名琴處不遠數十百里或邀致或詣觀欣賞
爲樂都忘世事尤嗜古琴每見呼爲老友家有鳴球
一張是外家茅見滄公物體質堅重規制高遠質文
彬錯操暢兼美一彈再拊清聲鏗激若出金石他琴
木聲咄咄浮浪無骨無與比擬者腹有淳熙己酉雷
氏謹斷八字徑二寸餘字畫茂好往外父析貲諸壻
人二百金有富春周子獨捧一漢鼎以去余獨堅求
此琴有宋制玉軫及足白如截肪工疑鬼鏤時外父

寵姬愛之靳勿肯予乃以文綾鏤金墜臂行略爾乃得之又李生多所秘明琴一張是臞僊所撰自弘治逮今年僅逾百而古色黯黹紋斷如織精雅殊常是必取材崇岡含和吸光千年茂木也會李生以事窘余遂以二十金質得之 有二琴如絕代佳人左右金屋式歌且詠爲樂無旣比遊漸廣閱琴旣多雖不乏詭特然淩音雅斲終未有二君之絕倫者也顧余羨聞禹航方賢齋先生有宋道君宣和殿琴屢詣求觀而先生高年深居非時不出皆不獲覲悵歎空還久之余介先生所善方生偕李深託款實誓期虔詣

乃得一接見丹顏素髮飄飄清儼東皇綺里之儔也
坐未定使爾索琴觀之先生曰方生言若深情嗜古
翩翩儒雅乃今何率爾也便欲致求名琴余起對曰
此乃所爲情深者也先生遽爲破顏曰小子固慧坐
良久先生且爲譚詩論奕詢及地邑外閒事余神情
都不屬先生顧余汲汲咲曰是誠情深遂命童子焚
香煮茗慇懃捧出發函解囊風容照座煥采揚明誠
天壤之麗樸至人之淵制也於時魂駭目奪精移體
解宓妃乍逢神女恍接爾乃注香作禮未敢迫視先
生固屬余操余逡巡揮手英聲發越異響絡起旣騫

耳而驚心又急張而順指若未撫而先鳴隨觸撥以如
志初奏陽春融融懌懌繼發秋思蕭蕭悽惻坐客咸
歎先生起舞少間先生曰叩宮動商美矣茂矣若復
能爲激徵清角乎乃復理弦易調爲徵聲塗山冠裳
繁祉想神禹之嘉會爲角韶蒼梧惻隱溫 懷仁壽
之時雍先生曰昔人云當冬而叩徵絃陽光熾烈堅
冰解散當秋而叩角弦溫風徐迴草木發榮始謂妄
語於子信之矣余手鈍心拙本無熟操是日捫絃安
歌操動凝神自覺幽情發洩心志感盪同調李生咨
嗟歎絕以爲自予習器以來未聞若斯之殊聲深德

者也固子興會所浹實亦惟琴之功先生乃命清酒
湛深杯促膝歡論究聲變之奧妙歎大雅之漸漸乃
復移席前軒掩暎晴旭迫察深視相其體勢詳其風
聲觀夫徽以紫磨之金軫以溫文之犀前岳後尾則
紫旃檀歲久沈頰色如凝血光逾瑩珠焰起香發矧
夫長廣應象方圓合法首足腰超脣沿之屬莫不准
量所宜匠心按古錙銖均妙其面爲風日之所重被
抑按之所凌厲葺治之所連綴色不一純黠黶斑駁
含華釀質本漆堊梓材乃如彝鼎古色深潤莫詳表
裏灰中雜以金砂玉屑近岳處爲指所刊堅細類石

如泥沈研斷紋自骨達膚疊斐含暎補綴所及復爾
龜裂在闇獨鮮乃相其背精采驚人澄潭皎月不足
爲其清也賴霞絳雪不足爲其麗也劍光玉耀不足
爲其照射也紋如秋水拂風澄波自起洋洋欲逝太
詩云三尺寒泉浸明玉又歌云清潭寫翠娥微爲寫照

耳上有一天秋三古篆字下有宣和殿三行楷體勢
飛動道君好事當是一時彥筆鐫刻精麗亦碑板所
罕見也加以御寶文曰宣和御覽斯篆洒然眊其材
質類今蜜結奇南香非復桐理又化漆平緬此獨如
膚裏肉盜溢隆起過厂處如人項紋尤豐腴可愛真

有肉氣龍脣奇且如層冰擊裂耀以午日光皴綻射
琴皆驚蓋其處地深窅紋斷較艱堅忍迸發一發
怒鮮於茲獨異耳是日賢齋先生見余處處點志披
抉古心幽指樂妙應接不暇先生大歡曰自吾藏此
垂五十年心賞所及標置未遑今子一見相知何深
哉因述得琴候貲計雙竭踪跡頗秘詢其初卒卒不
肯盡告自此會罷歸桃源初近僊雲乍失恍恍追憶
其視二琴直似邢夫人見李夫人時矣自此月必過
從先生琴尊終夕清歡相娛先生愛吾寒暑弗謝也
居歲餘先生一夕召余出琴謂曰吾有子才而蕩此

座可惜吾形會有終寶必有屬能寶此者非子而誰
便欲脫手相贈余聞驚喜汗流擗地欲絕先生復俛
首久之曰旦日第持百金來當明立公據便以授卿
余解其意馳歸告母母怒詈曰若享二琴足矣廣田
宅乎求多也余陳懇百端母終不肖發金余既重違
母意而老翁片心熱刺胸附終日鬱鬱寡歡偶感風
露遂稱病篤醫禱罔效母氏生大憂愁乃故爲可憐
狀向母曰得琴尚可活母紛紜呼婢二琴踵至余揮
手面壁卧勿復肖嘗藥勢似轉劇母曰兒何不弄琴
耶余仰面曰兒所願乃方氏琴得床前一撫摩兒瞑

無恨母曰向索價幾何余曰百金母立出白鏹二大錠置余前曰兒好以買琴余喜動顏色立召李生授之以一僮偕往賢齋先生受金曰來何遲耶立出琴授李生與俱還余時盼望萬端惟慮言久盟渝事或中變俄聞李生攜琴來歡踊無從不覺起坐亟命掃病房熏洒穢席撫琴笑視霍然病已於是蘭房奧室無夕不彈爾乃熏以名香藉以翠鏤拭以吳綾伴以異書親以文研映發之以古磁寶鼎娛以瓶花盆石黃柑翠蒲淘寫之以佳日好風涼月清夜肅以寒霜閒以風雨澹以名僧壯以雄劍欣以韵人詠以騷客

安以雅操對以閒心盤桓毓養從容秘玩或溫柔順
敘春氣發陳聊以解憂或危險愀殺冬氣閉藏藉以
肅志或軒昂慨慷縹緲瀲灩列哀絃激楚壯懷紆洩度
曲未半霽涕無從自獲此琴寄暢發趣慮澹物輕昔
人云以無累之神合有道之器自余而推實以有道
之器合無累之神耳不然余嗜琴無加而聲通過昔
亦獨何哉幽居多暇拂拭無時低昂摩娑幽凹都遍
一日偶映日中視腹內隱隱細書一行攢眉徹視則
大唐雷霄記五字也余獲斯琴自謂進御道君皇帝
物望已滿宋不謂有唐乍披此文千年寶藏一夕開

發慶快逾量噫嘻此琴相隨賢齋先生五十年竟莫
詳譜系乃自余剖露奇矣自宋人論琴已艷稱雷氏
霄乃開元時人又其祖禰哲人攄思制此靈琴宜其
規比清角情同綠綺音審囊桐曲堪秋竹於茲垂矩
後昆絕工來禳者也自開元之宣和四百四十二年
而歸道君自宣和以及昭代又四百五十五年垂千
年而歸賢齋先生以及余自余以往恆恐見辱於俗
子之手湮滅琴德後生無聞遂述斯篇世有鍾期必
蒙見賞得吾琴者并以相贈使知龍門綠桐雅器猶
存廣陵止息正聲未泯斯其神物之所呵護令人高

士之所珍秘氣感聲激之所周環器久神生物靈斯
變竊恐豐城雙劍飛赴龍津軒轅八鏡潛亡寶篋有
斯琴者謂宜茂彼神明存斯道器不然心慙中和御
非靜好氣類不交人器乖隔安望竊千年之神物紹
百代之絕響乎又此琴輒有三異好事者常攜琴過
訪欲與相並囊琴未發彼琴亦楚楚形製泠泠好音
自此琴置案磊砢高峙峩峩若山眾形皆渺卑伏無
地觸絃小弄清鐘夜發萬籟屏息輒鼓來器皆已暗
不成聲乃至試以數琴並律絃絲一律眾指齊奏欲
相凌奪而此琴嘹唳清越聲在眾表諸弦啾啾無復

音調屬聽稍遠但聞一音琅琅獨奏耳又余每與同
寢夢魂輒清麗藝都絕或清泉白石琪花瑤草或窈
窕深谷嵯峨高山乃至羽人仙姬名僧劍客無因非
想之事通夕浹夜發於夢寐雖余篤嗜所至幽靈爲
通而琴精攝人有同仙枕焉可誣也又余母患瘡余
謂物老識魅或能禁止試置寢榻宿店如失此三異
者設非親承定謂天壤之間安有斯事并述篇末傳
之好事云耳其李生明琴爲海甯陳虛舟公子購去
其鳴球故是霄孫枝所撰雖未能掩邁前烈實亦克
紹箕裘并藏敝廬余遂有兩雷氏琴云 萬曆丙午

秋七月禹航嚴調御述戊午冬十二月卅日重書

征白文

嚴印 朱文

題紙高同長四
尺七寸九分

亭 朱文

天池山樵性嗜琴聞有佳琴未嘗不索見而足跡半
天下年齒餘七十所閱琴不爲不多矣未嘗有諸美
皆備一疵不存如嚴公所述者讀嚴公述不覺神思
飛動便欲命武林之棹而偶爲事羈姑且徐徐託友
生王季和致意嚴公異時或春秋佳日或隆冬雪夜
有叩門求見者必天池山樵宜預戒關人勿拒 已

未元宵天池山樵嚴徵書

天地山樵

朱文

心託素

白文

吾虞爲先賢絃歌梓里而山川之祥實發於琴凡琴友之出遊者幾令四方同調歛手避席恐後而道微嚴先生則尤爲四方推重者也余性癖懶酷嗜琴幸得交於嚴先生爲忘年之友每遇名琴輒多方購之破產無憾故所蓄古琴三唐宋元各一他如昭代之良材及臆見剗斲之孔林楷不在是數唐琴爲百衲製奇材尤奇腹有漢篆響泉字響泉係唐李相沂公所斲茲其是歟宋琴名鳴簾欸識不可辨元琴名古鯨則出大德間錢塘名工嚴古清手者也三琴之質

紋古秀規制精好扣之如振玉如敲金妙難縷述道
徽家稱多名琴然每偕知音者過余搏拊唱歎徬徨
不忍去輒自遜弗如語具楷琴記中惟余并蛙之見
亦妄意三吳好事家蓄琴之富之奇莫余若者至如
唐宋雷氏琴則耳而未目徒馳慕想而已季和王子
歸自武林出印持嚴兄琴述示余遂有雷琴之二記
載得琴顛末鋪揚盛美闡發幽奇苦心逸興殆倍過
余矣捧誦再三魂飛魄越通夕不寐欲卽約道徹先
生命棹快觀而恨尙爲俗緣所羈也安得縮地法旦
暮遇卽持手颯晨月夕山麓湖湄各出所有絮材比

律較量高下使人謂吳越間有同聲同好如此兩人者
己未上巳日九來陸泰徵書

陸泰徵書

朱文

陸泰徵字九來

白文

題紙高同長一
尺一寸八分

永思

朱文

口余少曾習琴於亡友既聞大旨輒棄去今且十八
年矣每當風雨林木響立輒復入懷憾要妙未逢徒
望成連如遇天耳今年過婁水得子旂所示尊人琴
述爲之淒動雷氏琴爲世靈物甲戌予登大峨友人
稱其事極可聽今卽未見斯器讀此如聞其音矣嗟

平戴氏父子於斯再睹爲之永歎庚辰春王正月己

卯蕭水楊廷麟書

機記

自文

印持先生書法備法家妙指聞於天下今所存者皆

球圖

再書

廷麟

自文

朱方
恒逸

朱文

讓梨館過眼續錄卷九終

穠梨館過眼續錄卷十

歸安陸心源伯剛甫編

鄒迪光仙居圖卷

絹本設色高一丈八寸四分長一丈一尺八寸

仙居圖 萬曆丁巳秋日寫於石語齋中 鄒迪光

迪 自文 丹青 自文 居山 自文 石語齋
光 游戲 〇〇 自文

詹景鳳書古詩十九首冊

紙本三十六葉每高八寸八分廣四寸六分烏絲闌四行

古詩十九首文不錄

萬曆二十五年歲在丁酉重九後三日書於寶繪閣

中詹景鳳

唐

朱文

東 白文

紙 鈐

自文

天隱 朱文在首頁

宋石門桃源圖卷

絹本設色高一尺七寸二分長二丈七寸六分

武陵春色

萬厯乙己暮秋余遊吳興訪

仲行兄

留坐松風閣中偶案頭有陶靖節集閱至桃花源記
愛其文之佳而奇其事之異仲行兄意欲圖之乃覓
絹素款余點染偶因他阻暫輟至歲底始獲就緒畢
墨於新春之元宵併記年月蓋丙午之正月也八十

二翁宋旭

宋氏 白文

宋旭 白文

紙 鈐

自文

墨香堂

朱文

武原張
時昭亭
之章

白文

徐青藤人物花卉冊

紙本水墨六頁每高七寸九分廣七寸一分

第一頁

二月二日涉筆新水僊竹葉雨精神正如月下稱鸞

女何處堪容啖肉人

徐渭 白文
之印

第二頁

知□□家學不來爛塗蕉葉倒莓苔憑伊遮□無鹽

墨免倩臙脂抹广腮

文 白文
長

第三頁

稻熟江村蟹正肥
震螯如戟挺青泥
若教紙上翻身

看應見團團董卓臍

徐渭 自文
之印

第四頁

經旬口食侶蚕眠更有何心問歲年忽報街頭糕五

色西風重九菊花天

天 自文 青藤 自文 徐渭 自文
池 居士 之印

第五頁

蘭亭修禊只須臾也抱雙鵝浴淺渠校計吾儕淹酒

肉教鵝不啄一蝦魚

徐渭 自文 天池 自文
之印 山人

第六頁

大口有鯨鰲五嶽口其鼻任公釣不來煩爾一絲雪

隆慶五年秋中青藤道人徐渭畫於留雲堂

文 朱文
長

青藤 白文 穉口 白文

邢子愿枯木竹石軸

紙本高四尺七分廣一尺二寸

石如飛白木如籀寫竹還千入法通若也有人能會

此卽知有畫本來同

邢侗 穉 邢氏 白文
之印 子愿

關九思山水冊

絹本十二葉每高九寸二分廣九寸

第一頁

寒花漱玉 關思

何 朱文
思

第二頁

松齋讀易

關思

何朱文

第三頁

秋谿弄遠

關思

何朱文

第四頁

關思

關思 白文
之印

第五頁

關思

關思 白文
之印 何 白文
思

第六頁

虛白道人關思

關思 白文
之印

第七頁

秋山暮靄

關思

何朱文

第八頁

關思

關思
之印 白文

第九頁

山邨秋暮

關思

何朱文

第十頁

臨流覓句

關思

何朱文

第十一頁

天啟丙寅秋日寫

關思

關思
之印 白文

柯卧
所藏 朱文

第十二頁

長途寒旅

關思

何朱文思

關九思設色山水軸

紙本高四尺二寸廣二尺

天啟四年十一月十有六日寫于著壇 關思

關思 自文 何自文 之印 思

金陵六家畫卷

引首高一尺長四尺

光緒癸酉月堂中主人印 朱文

丘關正鍾 恬憒老人郭存仁書時年八十有二

郭印 自文 夷日 自文 存仁 齋

第一頁高一尺一分
長二尺三寸水墨

競秀爭流 壬戌夏日寫似完一丈清鑒 郭存仁

郭印 皁 郭氏 皁 恬淡 白文 存仁 元甫 齋印

第二頁高
長同設色

壬戌夏五寫似 完一詞丈 魏之璜 之字朱皁

見陽 朱文 圖書

第三頁高同長
一尺六寸水墨

夜雨添溪水清涼好放船橋頭見山屋一半住雲烟

壬戌夏日寫并題 宗仁 胡印 白文 見陽 朱文 宗仁 圖書

第四頁高同長
二尺三寸設色

壬戌五月寫似

完一詞宗

王玄

王玄之印

字玄見陽

第五頁高
長同水墨

壬戌冬日寫爲

完一詞兄

唐道時

子朱文唐印玄
貞氏道時

見陽 朱文
圖書

第六頁高
長同設色

天啟壬戌夏五寫似

完一詞丈

魏克

魏克朱文

和自文 見陽 朱文
叔 圖書

楊龍友山水軸

紙本高四尺二寸二分
廣一尺六寸五分

仙人村塢錦爲屏
雞犬雲中戶
自扇煙火紅塵俱不

着長齋繡佛禮黃庭 壬午春仲畫於甌江之輕順

閣中 楊文聰

楊印 朱文 龍 朱文 友字

張子羽吉祥如意圖軸

紙本設色高三尺八寸
四分廣一尺七寸三分

一念粗安百慮除
蘊鹽風味足貧居
比隣預禱來年福
顧我尤憐此歲餘
讀送窮文深酌酒
笑猖狂哭淚迴車
茆堂火暝微香透
吹放瓶梅幾瓣疎
世俗除夕動取吉
祥有所謂事事如
意之說因漫作此
圖并系除夕一詩
於上辛卯嘉平廿
九日張翀戲墨

張 自文 子 朱文

曾在虞 山精伯 朱文

曾波臣陳眉公小像軸

絹本高二尺八寸四分廣一尺三寸五分

曾鯨爲 眉公先生寫

曾鯨 白文之印

波 朱文臣

倪文貞瀾園卽事字卷

紙本兩接長六尺高七寸一分

金黼庭瘦 朱文倪氏政齋

范質公吏部招飲瀾園汎舟卻賦 亦爲數合解風

烟得入名園似輞川刑鵠而盟范少伯騎鯨欲去李

青蓮大儒俱出景州道清論如吟秋水篇想見山公

能啟事竹林尙有驛招賢 其二 大略都如赤壁

船又爲秋夜又坡仙自關福享門當水儘着情央月

上天遣嘯入雲清鶴唳分清與荻美鷗眠無如譚語
癡吟好賺取人呼作水顛 其三 僑札推衿非素

歡相逢不奈有雲肝世間幾士聞雞舞月下孤舟卽
雉壇除是求羊無客到並將李郭擬僊看請爲文字
三更飲莫問鮎魚會上竿 其四 爲問盧敖意得

不不逢若士豈成游是風吹至滕王閣有月明如庾
亮樓吟苦惟求遷醢甕別難寧使葬槽丘定無人得
知斯樂明日之齊訊爽鳩 時有濟南之役 其五

想當無奈問奇何去較玄亭玄又過竟醉留髭一石
酒都忘入洛五噫詞愁余最是秋宵賦罵世無如春

夢漣常作尊前雙劍影白虹紫電傲人多 其六

重歌紀妙

本當趙舞卻吳謳嶰竹圍絲并作喉便

可稱尊當有佛不應自小已無儔狂來白簡揚車子

妬殺青翰隱鄂侯世上幾多船大耳鶯聲如此亦聽

不元璐

倪印 自安 鴻 泉

吳興姚衡 朱文

所見妙跡

道光己亥春

仲錢塘何濤敬觀

倪文貞竹石軸

紙本高三尺六寸
八分廣一尺三寸

江右新解頭劉鉅溟弟丁卯所拔擬元以末場貽玷
寘之副榜第一今來過訪出宣帟享之其意甚欲見

拙作辱夢鶴兄惠顧遂貽之己巳春日元潞寫

元潞 晏之印

王柳樵山水軸

紙本設色高一尺五寸五分廣一尺四寸五分

秋湖夜落空江渚曉樹離離含宿雨伊軋中流聞櫓聲卧聽漁人隔烟語

柳樵王思任

王思任 季朱文任印 重

盛茂穎雲門寺圖冊

紙本八頁高一尺一寸八分廣一尺六寸

第一至第四頁無款

第五頁

鳳林風雨圖

茂穎

盛印 晏茂穎

第六頁

六月溪風洒面寒

茂穎

茂穎 白文
之印

第七頁
設色

釣臺夜坐圖

茂穎

茂穎 白文

第八頁
設色

天啟丁卯暮春王季重老先生邀余游雲門值曾小
畔構室綠天之下時郭爾璋文學鴻溟上人共來溪
橋茗話因商欲建溪風閣其前先生命予繪圖以垂
永久仍欲題閣中額曰雲靈嶽儼真勝事也吳人盛

茂穎

茂穎 白文

王季重雲門寺疏

文不錄

崔子忠紫荊爲愛圖軸

絹本設色高四尺廣一尺四寸

紫荊篤愛圖

北平崔子忠寫

子忠私印 自文

吳貞肅友朋書問冊

凌忠介札紙四頁高八寸九分長六寸四分

通家眷弟凌義渠頓首拜

凌印 義渠 朱文蓋名上

握別以來忽已數月言念忼慷排解之誼殷勤慰唁之情種種感入肺腑眞非筆楮所能代布萬一也知台旌榮旋已久渴思買舟過候緣賤體多病憚於出

門兼稔習靜謝客從來蘭於酬應未敢輕溷興居以此中止恃鑒原有素不以爲罪耳目下迫於功令不得不單車入閩然視此已同長物不過挨排歲月收拾殘局爲放情山水之計非真有鷄肋堪戀也海寧時父母循聲惠政冠冕浙西晤次偶及老掌科向往殊切聞貴縣已缺父母私謂就近轉移計亦甚便且無難之實而有繁之名當亦時父母所樂聞不識老掌科能爲之地否弟渠與此君頗附心知不覺言之娓娓非有他也一縷少貢寸私甚菲甚質仰希鑒在冗次不及手勒臨楮主臣賤名正具

左冲

馬世齊札紙兩頁高
九寸長六寸四分

壬戌歲 馬世齊

承委 太尊賀章從松陵歸勉爲屬草正擬端力資
上而台件至矣謹藉手呈覽枯腸拙筆自慙形穢非
老師不能膏沐而爲之容也冗次率爾伏祈炤涵臨
揭惶悚惶悚 門生賤名肅具正揭 慎

吳爾壘札紙四頁高
九寸長六寸三分

年家眷盟弟吳爾壘頓首拜

南曜淪亡三光失序聖人蓬跣薄海崩摧老伯己爲
袁景倩毅魄永明罪人欲學溫太真支離莫想嗚呼

嗚呼尙可言哉憶城陷之初進醢絕食詎不顧生後
見逆賊暴淫已極大可殄滅遂與開美兄同立誓言
誓歸南破家募義爲先帝雪痛然後從程嬰地下是
以閒關南出滋味實惡于死五月望旣至南京謂初
心可遂方痛哭流涕謂先帝之讐必不可忘河北之
機必不可失而蒼蠅之聲莫我聽聞近日□□□鳴
張於□□逆成狡伏于秦西堵禦更難而廟堂之上
竟以報讐付之□□恢復委之義徒經營止及江南
至兵殺兵兵殺民民復殺兵恬不爲異其施施衣錦
廣開賄賂益甚燕京而樞輔在上必處心積慮希圖

釀案盡殺善類所圖復先帝于山陵斫賊爲萬段在
何日乎此尤痛心泣血中夜徬徨者也 老盟兄君
父大讐與弟之深恨一種不淺將來馳驅中原直窮
狡穴使弟得親見之死不恨矣弟擬依史相公卽時
毀家相從河北不知罪廢之身尙可策否丹誠未泯
九死不移馬革裹尸匪所敢恤至主持公議則全恃
盟兄也孝履康安幸爲君父自愛毋致滅性使復讐
無人幸甚幸甚初在京師雖於老伯前叩頭泣血而
明水莫奠今又待罪山間不得親詣謹遣舍弟代哭
靈輒伏唯告諸明神勿相吐棄臨書伏地涕泗 盟

小弟墳頓首泣血

吳麟徵札紙三頁每頁
高九寸長六寸四分

崇禎乙亥寄江右

手稟七日之內連舉十殯十五二十俱遇雨幸起棺
時少霽靈車安穩二房於廿二日起櫬二十五日下
葬天色晴朗 諭祭使者成禮而退三瑩之中羅漢
灣最爲高燥二房次之大房倉卒舉事竟厝水中是
一恨事且墓曾祖右臂稍覺不妥其左尙虛前議遷
墓祖父母形勢旣佳屬纊時亦曾有遺命此外又有
蓮花峰下一穴兩卜之蓮花峰居最但有嫌其石相

巉岬者又本山有震龍一穴宛然迴龍此兩地俱大伯向來所卜喜於曾祖不遠并附塋一節俱望大兄一卜決之物料久備一山之中父在子側頃刻難安如慮祖父遷過郭氏生心則我輩亦可成壽壙或祖壙成後候大兄舉事亦可耳家事須長弟豈不知然與其耽延兩待不若從權舉事俾先人早得入土爲安人命難測若弟先二三年如孟佳豈不成終天之恨乎至於禍福惟人自造盈虛消息亦歸天道於地理全無交涉大兄以爲何如弟欲一到官署因二女嫁事不果若京師安靜無他北邊道路無梗第可徑

作掛冠解組之計尙得爲歡里門未艾也墓地駟俟
回音 三月初四日二弟麟徵百拜上 大兄大人
尊前 湯奠弟已舉記并聞周湛中有圖說附入

馮元颺札紙四頁每頁高
八寸九分廣六寸四分

年眷弟馮元颺頓首拜

已卯十一月徐寅可寄到

□ 自文
事

前拜手教亟作數字奉商而使者不來竟無敢覓便
轉寄蓋此時猶作宛轉籌度爲宗社勸入語遲數時
再得去函則知百思莫挽萬里難馴幸年兄自此遂

置身丹青之上而天意亦無不曲折相副者始覺弟輩前此只且真是小乘然固不可少此漸次也旋又自媿學此計不蚤致令身在羅網進退維谷有形渥若何以仰對知己須他日挈得此身還入山陰道上乃當青鞵負笈乞取虛翁先生九還秘篆也 年兄遠矣弟亦祇是數月得罪非復仕宦中人故不敢復作塵世寒溫知年兄不病其負率也今日晤徐口兄忽云有便可達率爾草候未盡所懷 弟名正具敬冲

彭觀民札紙五頁每頁
高九寸廣六寸五分

聞吾兄翁當以報謁父侯入城快圖一慰濶悰掃
徑以族之矣接手教知借運兵船之議各公祖鄭
重應爾惟是防衛之寄各公祖曲爲地方豈其吾儕
不知自爲桑土所以公啟公呈明請酌撥分數不敢
全請抽撥且往來不踰匝月程役不越千里未至緩
急弛備今或不得于三七而得其半亦足以資一臂
初意原出于父侯雅意不用本地封船擾動民間爲
此不得已之借且崇禎二年允借有卷吾曹敢不贊
成今日既當事節節遲疑恐轉請撫軍必再有駁議
將毋成道傍之築耶以本地船借本邑他邑似難藉

爭若云他縣皆僱何獨海邑議借則邑地窮于海角
他僱倍難不得不奈之以便宜酌借究竟未嘗不四
出遠僱也船惟叭喇沙福堪用而小哨倉號不堪用
倘允議借則于中又當酌量至修艚自有歲例額銀
年來公私濫領耗費何嘗用之于修船一旦議借必
將起而藉口宣索未免公私慮其害已此處難深言
之矣弟意逆料究竟必發回空赴水次則諸船總可
不用如崇禎二年亦允借兵船後置不用案可覆驗
此時不得不遵 明旨委曲多方預備不至軍譟民
變勢窮理極駭而圖之則今日紛騷安遽已乎良此

深念 各公祖啟附返記室率復以臆罪罪 弟期

生頓首 冲

徐石麒麟札紙九頁每頁高
九寸一分廣六寸五分

石麒麟 白文

弟麒麟兩報台檄皆在病中令捉刀人爲之殊鬱鬱不
能宣臆中半字蓋弟之別我 年翁臺久矣尺牘往
來國有厲禁旣不敢以身試法迨 臺珂假還及乎
讀禮則弟麒麟桷鑿於時歸志已決意擬旦暮可對紫
芝不意日復一日遂積年歲身似錫蠅飛動不得至
再勤清問而弟心之紆軫可知也甲戌之春聞家叔

觀周家弟中明卽以南計號引於年翁臺荷垂念甚
摯然而非弟意也蓋德州爲南太宰時深情厚貌結
歡眾正我鄉武塘入其彀中相得甚深弟在里中頗
爲武塘所推許向德州前獎借不置口於是武塘枚
卜之命始下而德州卽以南計許弟矣弟揣其非真
相知也辭之甚切且時同寅有劉雲密資淺於弟識
力勝弟實心折之渠以單傳未嗣乞差還里擬爲終
焉之計弟因力推轂於德州勸挽劉兄屬以計事德
州亦踴躍言留劉已定俄而其門人張北海左遷轉
考功忽焉中變賣劉屬張矣但無奈弟資俸何騰書

選部於弟啟事之中突插陵工一案致奉嚴旨而旋
出劉雲密於淮上其打筭精巧一何工也幸部覆陵
工不經弟手姑從末減而武塘亦諷首揆以遷客主
計於體未便因於德州推敲南計員缺微露此意遂
不得已仍以弟名上豈真好相識哉蓋弟平生雅知
退步不樂爲爭但張北海才具自饒人品欠正俾持
大計不無世道人才之慮且從來掌故無以遷客主
計典者一旦破例則將來南計必盡歸遷客而以考
選至以才望調者皆不得與部體國體實大有傷此
弟以爲非劉不可甚欲出疏以明之所以深觸東人

之怒而不可解也已而計吏時又舉太宰素所鍾愛之私人方崧生置之浮躁而怒乃滋甚釁乃滋深矣蓋方公婪酷異常道路側目江北有方剝皮之號江南有方餓虎之稱因太宰移書摠憲摠憲護之甚力故不得已僅以浮躁處弟猶嗾嗾而掀翻是非者反欲移方氏之處於素有建白之黃了袁不亦異乎葦弟爾時業已置此項進賢於度外今日爲德州所齟齬固甘心受之矣白別以來鬚眉盡白齒牙欲搖回顧斑斕蕭條莫倚安能長作蝸牛涎粘粘壁第思所以善其歸者幸年翁臺惠教之兩貴門生在留京一

當以經濟顯一當以撫字著皆近日難得之品也承
平翁齒芬及弟弟皆獲執鞭竊自慶得所宗矣銘刻
銘刻不腆茈茈無當伴槭仰祈盡鑒伏楮不勝詹跂

冬仲五日小弟石麒頓首 左忠

初世培札紙五頁每頁高
八寸九分廣六寸二分

處佳 自安

前歲秋初將離吳中再疏請告時托來澤蘭以片槭
一芹將致年翁求爲我決去之地不意 老年臺乃
先之山都矣途中意圖良晤不知何地相左弟入都
悵悵如失羣之鳥歸心益切幸唐存翁力爲擔當乃

獲聖明允放不可謂不幸矣然歸來仍是碌碌於世
出世法毫無着落不幾虛此一歸乎然卽奉母課子
亦是實際卽終其身可也山中人日望年臺還駕還
朝主持國是庶使吾儕小人處於高蔭之下安穩山
林不意年臺又有居廬之事也邇來辯言亂政於朝
苛政迫民於野天時人事觸目堪傷正恐安穩山林
亦大不易儉翁何至於此今日之巡方尙堪置足否
弟終身局面還望年臺一語教之馮鄴仙於清明日
曾弟而北上姜端公曾相聞否想邇來年臺必有事
於窳窳何日到武林可得一把臂乎不腆生芻之獻

乞年喜呼子侄之名而致老年伯姆前諸不盡其縷
縷 弟名正具 左恪

李中翰臨右軍書卷

紙本高八寸七分
長四尺四寸八分

羽嘉堂 朱文

省足下別疏具彼土山川諸奇楊雄蜀都左太沖三
都殊不備悉彼故爲多奇益令其遊目意足也可得
果當告卿求迎少人足耳至時示意遲此期眞以日
爲歲想足下鎮彼土未有動理耳要欲及卿在彼登
汶領峨眉而旋實不朽之盛事但言此心以馳於彼

矣 癸未初夏將北征 个臣擎舟相送爲臨右軍

書一則 弟待問

李印 待問

朱文

存我

白文

跋紙高同長三
尺四寸五分

存我書初愛褚米後得爭坐摹本遂宗平原筆法嘗
謂比之右軍果別有異趣故山陰草帖不甚習也適
從余家見顏倣二王便大驚喜此帖爲个老潑墨正
得顏王兩家筆意其風流瀟灑之致亦可相見於褚
墨間矣願與故人共珍之 弟唐思邈識

白文

接紙高同長二
尺二寸七分

啓元

白文

半室 朱方

余少與存我同學見其性喜學書及長而書始成遂
爲一代名家蓋其爲人瀟灑不羈大有晉人風味自
宜登山陰之堂輿間作顏體亦復蒼渾崢嶸乃老
故輒以節義自持始知翰墨一道與品行性情相爲
表裏不可強也嗟嗟若李中翰者豈必以翰墨傳卽
以翰墨論卓乎爲千古之極出 中翰摹右軍一則
爲 个臣所藏索余題數語適於吳興舟次開蓬窗
見山川秀異乘興把筆益覺中翰墨妙與鬆光爭勝
也 張一鵠

張印 自
一鵠 旻

紙兩接高
同長四尺

古人絕藝必以一生全力注之右軍五十餘而書始
成所謂人不可無年也使存我書名少亞董文敏世
恆以爲造物恨顧存我旣以大節追顏文忠矣何恨
之有 丙午正月吳騏爲 个臣大兄跋

吳騏 白文
私印

吳氏
朱文

高齋齋 朱步

存我先生書得襄陽三昧思翁而後可稱嗣嫩惜其
年甫強仕而蹇遭世故赴節慷慨每歎廣陵之難再
也此卷仿右軍書一則爲癸未初夏計偕吳閬舟次

留贈 个臣兄者筆意酣逸直入山陰堂室蓋襄陽
秀宕之姿本自大令存我溯淵源而能會其神理故
問一摹仿已足睥睨千古耳 乙巳中秋个兄送余
至淮陰出此索題漫爲識數語深愧着穢如何如何

漱關弟荃漫書

沈荃 白文 釋 朱文 之印 堂

卞潤甫醉翁亭圖卷

引首 紙本 高九寸八分 長三尺五寸八分

靜思齋

朱文

蔚然深秀 鹿起山人

方印 白文 愚 白文 以智 者

紙本 高一尺二寸 長八尺五寸

天啟四年長至後一日寫 卞文瑜

卞印 自文 潤 朱文 文瑜 甫

口口 自文 葉印 自文 道人 德化

題紙兩接高
同長一丈

醉吟先生 朱文

醉翁亭記 文不錄

塞翁吳山濤書於五雲樓

吳印 朱文 山濤

岱 白朱文 觀氏

卞潤甫醉翁亭圖一卷欣閱于可花軒余見潤甫畫
夥矣無如此卷之蕭逸閒澹蓋生平之傑作也方愚
者篆法古勁深得陽冰遺意復系吳塞翁書廬陵一
記筆筆從海岳庵來可稱三絕嘉慶戊午長至後三

日鑑生書以誌幸

生鐵白文奚岡朱文
之印

卞潤甫山水冊

紙本八頁高
八寸廣一尺

第一頁

壬戌春日卞文瑜畫

潤甫白文
文朱文
瑜

第二頁

遠岫出雲催薄暮細風吹雨弄輕煙庚午清和卞文

瑜

文朱文
瑜

第三頁

文朱文
瑜

第四頁

潤 自文

第五頁

月下歸漁 庚午清和卞文瑜畫

文 朱文

第六頁

山中何所有嶺上多白雲只可自怡悅不堪持贈君

文瑜

文 自文

第七頁

做倪高士筆 文瑜

潤 自文

第八頁

松下結茅圖 庚午清和寫卞文瑜

潤 白文

八大山人小鳥圖軸

紙本高二尺四寸廣一尺二寸

朱文

朱文

朱文

朱文

白文

西洲春薄醉南內知己晚傍著獨琴聲誰爲挽歌版
橫施爾亦便炎涼何可無開館天台山山鳥爲門

徒 甲戌之夏日畫并題

个

黃竹 白文 八大 白文 山人

俞簡愈遠愈淡愈真天空壑古雪个精神 信翁出

子貞快題

何印 白文 紹基

我生愛畫怡心魄旁觀不解名之癖汎水干津不買

船遊山萬仞休費屐夜郎使節七千里詩卷陵嶒山
影積山山水水眼過空畫理撐胸莽騰擲玉井宵游
雪浪涌節樓晨醉寒暄炙十年不見見先笑信齋老
作諸侯客書耽畫與我同聞我足音手加額掀囊
倒篋不肯祕止許誇揚無貶摘寒縑澹靜氣爲斂潑
墨狂豪舌先作忽手一幅故吝示謂是精能最奇劇
發緘何處小鳥來到眼省是王孫跡不畫峯巒及亭
舍亦無竹木同水石雙雛栩栩勢欲動令我清風快
生亦不矜阿閭明九苞未美天池搏六翮和鳴似喜
春雨潤對舞還貪午陰碧墨無十點筆無轉鳥身盈

寸紙三尺三尺之紙天地寬萬里空空日月白王孫
遭際是何世神州陸沈行路窄琴聲歌板有誰問天
台山春冷蕭索託心微物不自知放眼太空聊一適
生逢清平吾與子畫卷鋪排月來席卻看毛羽換飛
動暫解衣帽憩行役信翁信翁能信天眼中富貴真
雲烟太史周南苦留滯司空城旦長摩挲乍喜著書
瓶有酒又愁買畫囊無錢我官柱下史例迫不敢筆
削誇聖權煤麝從來兼苦樂樊籠未免猶羈牽安得
與子化雙鳥恣意嬉緇雲水邊 八大山人畫小鳥
圖既爲 信翁題句意有未盡復系以詩信翁以拙

筆有嗜痴之癖不知將何以報我何紹基漫草

子朱文貞

八大山人山水軸

綾本水墨高一尺五寸四分廣一尺五寸五分

嚮者羽南登往復宗公子荆巫水一狎已涉圖畫意

八大山人

印

朱文

各朱文遙白文

屬

穰梨館過眼續錄卷十終